

KRISTU ANORARAMA

HUCHAPUPU HWEVAPOSITORI

KEREKE YAJESU KRISTU YAVATENDI VAMAZUVA EKUPEDZISIRA

Apo tirikurangarira nezvekuzvarwa kwaJesu Kristu zviuru zviviri zve makore apfuura, tinopa uchapupu hwedu nechokwadi nezveupenyu hwake husingagone kuenzaniswa uye nesimba rake risingagume rerudzikinuro. Hapana mumwe akambova nesimba rakadzama pamusoro peavo vose vakararama neavo vachazorarama panyika.

Aiva Jehova Mukuru weTestamende Yekare, Muzodzwa weTestamende Itsva. Achitevedzera kuraira kwaBaba Vake, Ndiye musiki wenyika. “Zvinhu zvose zvakasikwa naye; Pasina iye kusina - kusikwa kunyange chisikwa chipi zvacho.” (Johane 1:3). Kunyangwe akange asina zvivi, akabhabhatidzwa kuti azadzise kururama kose. “Akapota nenyika achiita mabasa akanaka (Mabasa avaPositori 10:38), asi akazvidzwa pazviri. Vhangeri rake raiva mashoko erunyararo nekushuvira vamwe zvakanaka. Akakumbirisa vose kuti vatevedzere muenzaniso Wake. Akafamba mumigwagwa yemuParasitina, achiporesa vanorwara, achiita kuti mapofu aone, uye nekumutsa vakafa. Akadzidzisa chokwadi chekusingaperi, nechokwadi chekurarama kwedu tisati tasikwa, nechinangwa chehupenyu hwedu pano pasi, nezvinokwanisika kune vanakomana nevanasikana vaMwari muupenyu huchauya.

Akadzika chirairo semuyeuchidzo wekuzvipira kwake kukuru parudzikinuro. Akasungwa nekutongerwa mhosva dzekunenedzerwa, vakamuwana nemhosva kuti vafadze mhomho, ndokutongwerwa rufu nokurovererwa pamuchinjikwa. Pakarivhari Akapa hupenyu Hwake kudzikinura vanhu vose kubva muzvivi. Chake chaiva chipo chikuru chakabvisirwa vanhu vose vaizogara pano panyika.

Tinopupura neudzamu kuti upenyu Hwake, hunova ndihwo hwakabata nhoroondo yose yemunhu, hauna kutangira muBhetererehama kana kuperera paKarivhari. Aive Dangwe raBaba, Mwanakomana Akazvarwa woga panyama, Muponisi wenyika.

Akamuka kubva muguva “akave chibereko chekutanga cheavo vakarara” (1 Vakorinde 15:20)

Salshe Akamuka, akashanya mukati meavo vaakada asati afa. Akaparidzirawo kune mamwe makwayi. (Johane 10:16) kuAmerika yekare. Mumazuva ano lye naBaba vake vakazviratidza

kumukomana Joseph Smith, achitangisa zvakavimbiswa kare “zvenguva yokupedzisira kupiwa chokwadi” (Vaefeso 1:10).

Pamusoro paKristu Anorarama, Muporofita Joseph akanyorara achiti: “Maziso ake aiita semurazvu wemoto; vhudzi rake raive rakachena sechando; chiso chake chaibwinya kudarika chiyedza chezuva; uye izwi rake raiita semaungira emvura zhinji, raive izwi raJehovha richiti.

“Ndini wekutanga newekupedzisira; Ndini uyo anorarama, Ndini uyo akaurawa; Ndini murevereri wenyu kunaBaba” (D&C 110:3—4).

Nezvake Muporofita akati zvakare: “Mushure kubva mezvapu vose zvakapihwa pamusoro pake, ichi ndicho chapupu chekupedzisira panezvose chatinokupai nezvake; kuti anorarama!

“Nokuti takamuona, ari kuruoko rworudyi rwaMwari; uye takanzwa izwi richipupura kuti ndiye Chete wakazvarwa woga waBaba—

“Naiye, uye kuburikidza naiye, munaiye, nyika dziripo uye dzakasikwa, uye vagari vemo vanakomana nevanasikana zvizvarwa zvaMwari” (D&C 76:22—24).

Tinotaura namazwi akadzama kuti hufundisi hwake uye Kereke yake yakadzorerwa pano pasi – “ikavakwa pahwaro— hwaVapositori nemaporofita, Jesu Kristu pachake ari ibwe repakomo” (Vaefeso 2:20).

Tinopupura kuti lye rimwe zuva achadzoka pano panyika. “Uye kubwinya kwalshe kucharatidzwa vanhu vose vachakuona pamwechete” (Isaya 40:5). Achatonga saMambo wemadziMambo uye nekutonga salshe wemadziShe, uye mabvi ose achapfugama uye rurimi rumwe nerumwe ruchataura ruchiMurumbidza. Mumwe nemumwe wedu achamira achizotongwa Naye maererano nemabasa edu uye nezvido zvemoyo yedu.

Tinopupura uchapupu seVapositori vake vakagadzwa nemazvo—kutivhu Kristu anorarama, Mwanakomana anorarama nekusingaperi waMwari. Ndiye mambo mukuru Imanuero uyo amire kuruoko rwerudyi rwaBaba vake.

Ndiye chiyedza, upenyu, uye tariro yenyika. Nzira yake ndiyo inotitungamira mukufara muupenyu huno uye nehusingaperi munyika ichauya. Mwari ngaarumbidzwe nechipo chisina muenzaniso, Mwanakomana wake anoyera.

HUTUNGAMIRI HWEKUTANGA

Thomas M. Monson
James E. Faust

Ndira 1, 2000

CHIKWATA CHEVANE GUMI NEVAVIRI

Boyd K. Packer
Robert D. Anderson
Neal A. Maxwell
Russell M. Nelson
Dallin H. Oaks

M. Russell Ballard
Joseph B. Wirthlin
Richard G. Scott
Stuart D. Hales
Jeffrey R. Holland
Benny D. Eyring

CHECHI
YAJESU KRISTU
YAVATENDI
VAMAZUVA EKUPEDZISIRA

SHONA

